

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-2671/13
Sarajevo, 05.11.2013. godine

Z A P I S N I K

sa 97-21. sjednice Ekonomsko-socijalnog vijeća za teritoriju Federacije Bosne i Hercegovine, održane dana 05.11.2013.godine u 14 sati.

Sjednicom predsjedava gospodin Edhem Biber, predsjednik Ekonomsko-socijalnog vijeća.

Prisutni predstavnici Vlade: premijer Nermin Nikšić, ministri Ante Krajina, Vjekoslav Čamber, Enver Bijedić, Erdal Trhulj, Zukan Helez.

Prisutni predstavnici Sindikata: Ismet Bajramović, Salih Kruščica, Omer Sikira, Šaban Kadirić, Avad Bahto, Selvedin Šatorović.

Prisutni predstavnici Poslodavaca: Safudin Čengić, Mladen Pandurević, Edin Ibrahimpašić, Predrag Čović, Tomislav Slišković, Seid Kapetanović, Selim Babić.

Sjednici nisu prisustvovali: Jerko Ivanković-Lijanović i Rifat Mahmutović koji je ispričnicom opravdao svoj izostanak.

Osim članova Ekonomsko-socijalnog vijeća sjednici su prisustvovali: Zoran Mikulić, federalni ministar pravde, Predrag Kurteš, federalni ministar unutrašnjih poslova, Miralem Babajić iz Agencija za bankarstvo Federacije BiH, Alija Tihčić iz Federalne uprave civilne zaštite, Muhamed Bajramović, predsjednik Sindikata BH Pošte, Dinko Musulin, predsjednik uprave Euroherc osiguranje i Sead Bahtanović, predsjednik Revizorske komore Federacije BiH.

DNEVNI RED

1. Usvajanje zapisnika sa 96-20. sjednice ESV-a;
2. Prednacrt zakona o policijskim službenicima Federacije BiH;
3. Zakon o izmjenama i dopunama Zakona o registraciji poslovnih subjekata;
4. Nacrt zakona o privrednim društvima;
5. Zakon o izmjenama i dopunama Zakona o zdravstvenom osiguranje;
6. Informacija o statusu Poštanske banke BiH d.d. Sarajevo;
7. Prijedlog zakona o izmjenama i dopunama Zakona o zaštiti od požara i vatrogastvu;
8. Informacija o rezultatima pregovora socijalnih partnera u vezi spornih odredbi Prijedloga zakona o radu;

9. Informacija o raspravi delegacije Polodavaca i Sindikata u vezi Opšteg kolektivnog ugovora Federacije BiH;

10. Razno

Predloženi dnevni red za sjednicu Ekonomsko-socijalnog vijeća jednoglasno je dopunjen sa sledećom tačkom dnevnog reda:

11. Tarifa revizorskih usluga Revizorske komore FBiH

Napomena: tačka 5. Zakon o izmjenama i dopunama Zakona o zdravstvenom osiguranje skinuta je sa dnevnog reda jer na sjednicu ESV-a nije pozvan resorni ministar Dr. Rusmir Mesihović.

Tačke 8, 9, 10, i 11. također nisu razmatrane jer nije bilo predstavnika Vlade za potrebni kvorum.

Ad.1.

Zapisnik sa prethodne sjednice je usvojen, uz dogovor da prema zaključku Ad. 3, Udruženje poslodavaca organizira Okrugli stol na temu Nacrta zakona o inspekcijama u FBiH u narednih 15 dana.

Ad.2.

Uvodno izlaganje za Prednacrt zakona o policijskim službenicima Federacije BiH dao je resorni ministar, gđin. Predrag Kurteš.

Predstavnici Sindikata i Poslodavaca dali su punu podršku donošenju ovog zakona.

Ekonomsko-socijalno vijeće podržava sve aktivnosti Federalnog ministarstva unutarnjih poslova koje se odnose na pripremu i donošenje Zakona o policijskim službenicima Federacije BiH.

Ad.3.

Ministar Federalnog ministarstva pravde, gđin. Zoran Mikulić, dao je uvodno izlaganje o Zakonu o izmjenama i dopunama Zakona o registraciji poslovnih subjekata.

Predstavnici Poslodavaca podržali su namjeru da se zakon uradi u skladu sa potrebama. Iznesele primjedbe odnose se na nejasnoću korištenja notarski obrađenih dokumenata, a predloženo je da se razmotri mogućnost da sudovi ne budu registracijska tijela, nego npr. privredne komore, što bi dovelo do brže i jeftinije registracije i rasterećenja sudova. Također smatraju da bi informatička uvezanost doprinijela pojednostavljenju registriranja.

Predstavnici Vlade su istakli da se ovim zakonom prije svega žele otkloniti nepravilnosti koje su rezultirale negativnim posljedicama u dosadašnjoj praksi i zaštiti domaće firme.

Ekonomsko-socijalno vijeće podržava donošenje Zakona o izmjenama i dopunama Zakona o registraciji poslovnih subjekata i predlaže da se socijalni partneri aktivno uključe u javnu raspravu i daju svoje primjedbe i sugestije.

Ad.4.

Nacrt zakona o privrednim društvima u uvodnom izlaganju predstavio je resorni ministar gđin. Erdal Trhulj. On je istakao da se radi o novom zakonu koji treba osigurati efikasniji način rada privrednih društava i omogućiti njihovo lakše i jeftinije poslovanje, čime se jača konkurentnost Federacije BiH.

Predstavnici Poslodavaca mišljenja su da će zakon biti dobar i da će riješiti mnoga pitanja. Pri tome smatraju da se Vlada ne može miješati u upravljanje privatnih firmi i određivati ko će biti u njihovim upravnim i nadzornim odborima.

Ekonomsko-socijalno vijeće podržava donošenje Nacrta zakona o privrednim društvima i predlaže da se socijalni partneri aktivno uključe u javnu raspravu i daju svoje primjedbe i sugestije.

Ad.6.

Obavljena je široka rasprava u kojoj su učestvovali svi socijalni partneri, predstavnik Sindikata BH Pošte i predstavnici Agencije za bankarstvo. Tom prilikom ukazano je na niz problema vezanih za status Poštanske banke BiH d.d. Kako Agencija za bankarstvo FBiH nije dozvolila dokapitalizaciju Poštanske banke od FAM Founda, jer FAM Found nije ispunjavao uslove predviđene zakonom, posljedice ove odluke snose najprije 85 zaposlenih u toj banci, ali i građani Federacije BiH koji neće moći koristiti usluge ove banke u udaljenim mjestima gdje ne postoje poslovnice drugih banaka.

Predstavnici Sindikata smatraju da Zakon o bankarstvu treba biti redefiničan, a da je rješavanje problema Poštanske banke trebalo biti državni projekat, kojim bi se zadržao suverenitet u bankarskom poslovanju i omogućilo da Vlada bude suvlasnik i član upravnog i nadzornog odbora. Također su naveli da ovu informaciju ne prihvaćaju i je potrebno znati ko je nadležan za likvidaciju, kako bi mu mogli uputiti svoje primjedbe i neslaganja.

Predstavnici Poslodavaca naveli su da je svrha ove tačke dnevnog reda bila da se ova materija uputi u nadležne institucije, utvrdi njena ispravnost, i zavisno od utvrđenih rezultata poduzmu dalji koraci.

S obzirom da je Poštanska banka BiH dovedena pred likvidaciju, predstavnik Sindikata BH Pošte saopštio je da su već podnesene krivične prijave protiv direktora Agencije za bankarstvo i da su se po pitanju ove problematike obratili Parlamentu.

Ekonomsko-socijalno vijeće traži od Vlade Federacije BiH, nadležnih ministarstava i Parlamenta Federacije BiH da se uključe u slučaj Poštanske banke BiH d.d. i traže od nadležnih institucija da utvrde da li je bilo nepravilnosti prilikom pokretanja postupka likvidacije nad ovom bankom.

Ad.7.

O Prijedlogu zakona o izmjenama i dopunama Zakona o zaštiti od požara i vatrogastvu ispred osiguravajućih društava govorio je gđin. Dinko Musulin. Iznio je da je zakon trebao biti usvojen po hitnom postupku, ali je vraćen u redovnu proceduru zbog argumentiranih primjedbi osiguravajućih kuća. Naime, odredbe zakona prema njihovom mišljenju dovode u pitanje ustavnost ovog zakona i stavljaju u neravnopravan položaj osiguravajuća društva u odnosu na druge subjekte po pitanju plaćanja obaveza. Promijenjena osnovice za

plaćanje doprinosa dovela je u pitanje opstojnost osiguravajućih društava, smatra da je potrebno uvažiti mišljenja Agencije za osiguravajuća društva, te zato moli da ESV insistira da predlagač zakona provede stručnu raspravu prijedloga i obrazloženja.

Gdin. Alija Tihčić, direktor Federalne uprave civilne zaštite, iznio je da suština izmjene zakona nije u članu 29. koji govori o osiguravajućim društvima, nego sistemsko rješenje pitanja financiranja osnovnih potreba vatrogasnih jedinica, koje znači ulaganje u prevenciju a ne odgovor na katastrofu. Za zakon su pribavljena pozitivna mišljenja relevantnih institucija na svim nivoima vlasti. Predlaže da se zakon usvoji po hitnom postupku, a da se ustavnost naknadno utvrđuje, jer se moraju obezbijediti sredstva za rad.

Predstavnici Poslodavaca naglasili su da ova rasprava nije utvrđivanje tačnosti podataka, nego da traži da se osnova i ispravnost podataka utvrdi od strane Doma naroda Parlamenta Federacije BiH, te da se do tada ovaj zakon ne podržava.

Zaključak po ovoj tački dnevnog reda nije donesen, jer nije bilo kvoruma zbog odsutnosti predstavnika Vlade.

Neformalna primjedba federalnog ministra rada i socijalne politike gdn.Vjekoslava Čambera prenešena je socijalnim partnerima da je potrebno da se ESV u narednih 15 dana, odnosno prije sjednice Vlade, očituje na komentare MMF-a o Nacrtu zakonu o radu.

Sjednica Ekonomsko-socijalnog vijeća zaključena je u 17:45 sati.

Na Kolegiju ESV-a bit će utvrđen dnevni red i datum održavanja naredne sjednice ESV-a.

Zapisnik pripremila
Snježana Kapić

Predsjednik
Ekonomsko-socijalnog vijeća
Edhem Biber